

火

產

經帶

急救

九詮

蟲

目

瘍

濟陽氏

國方集

卷中下

醫方集解卷下

休寧汪昂初菴輯著

男汪端其兩

全校

弟汪桓殿武訂

姪汪惟寵字錫

瀉火之劑

火者氣之不得其平者也五藏六腑各得其平則榮衛即和經脉調暢何火之有一失其常度則衝射搏擊而為火

矣故丹溪曰氣有餘便是火也有本經自病者如忿怒生肝火勞倦生脾火之類是也有五行相剋者如心火太盛必剋肺金肝火太盛必剋脾土之類是也有藏府相移者如肝移熱于胆則口苦心移熱于小腸則淋瀝之類是也又有他經相移者有數經合病者相火起于肝腎虛火由于勞損實火生于亢害燥火本乎血虛濕火由于濕熱鬱火出于遏抑又有無名之火無經絡可尋無脉證可辨致有具病暴死者諸病之中火病為多不可以不加察也○有以瀉為議大黃芒硝芩連梔柏之類是也黃天各玄參知母之類壯水之主之類是也有以滋為瀉者地黃天各玄參知母之類壯水之主以制陽光是有以補為瀉者參者甘草瀉火之聖藥是也

三焦實火

黃連解毒湯

相傳此方為大倉公火劑而崔氏治劉護軍又云其自製者

治一切火熱表裏俱盛狂

躁煩心口燥咽乾大熱乾嘔錯語不眠吐血衄血熱甚發斑也邪入于

黃連解毒湯

陽則狂心為熱所擾則煩燥則煩之甚也口燥咽乾火盛津枯也乾  
熱毒上逆也錯語熱昏其神也不眠陰未得復也傷寒吐衄血者當汗  
不汗蘊熱逼血上行也發斑熱毒入胃也○崔尚書曰胃有燥糞令人  
錯語止熱盛亦令人錯語若秘而錯語者宜承氣湯通而錯語者宜黃  
連解

毒湯

黃連<sup>上</sup> 黃芩<sup>下</sup> 梔子 等分

此手足陽明手少陽藥也三焦積熱邪火妄行故用黃芩瀉肺火于上

焦黃連瀉脾火于中焦

王海藏曰黃連瀉水實瀉脾也子能令母實實則瀉其子

黃柏瀉腎火于下

焦梔子連瀉三焦之火從膀胱出蓋陽盛則陰衰火盛則水衰故用大

苦大寒之藥抑陽而扶陰瀉其亢甚之火而救其欲絕之水也然非實

熱不可輕投

劉河間曰傷寒表熱極甚身痛頭疼不可忍或眩或嘔裏有微熱不可發汗吐下擗以小柴胡天水涼膈之類和解

恐不能退其熱勢之甚或大下後再三下後熱勢尚甚水氣損虛而脉  
不能實擬更下之恐脫而立死不下亦熱極而死或濕熱內餘小便赤

澀大便澀泄頻併少而急痛者

必欲作利也並宜黃連解毒湯

本方去梔子名柏皮湯治三焦實熱用粥丸名三補丸治三焦有火疏

燥喉乾二便閉結及渴痰夜熱

經曰壯火食氣少火生氣故少火宜升壯火宜降今以黃芩瀉上黃連瀉中黃

柏瀉下則壯火降而少火升氣得生而血得養三焦皆受益矣

本方去芩連加甘草名梔子柏皮湯

治傷寒發黃身熱

發黃胃有瘀熱宜下之發熱為熱未作實蓋發熱之症難于得熱熱則勢外出而不內入矣故不必發汗

利小便用梔子清肌表黃柏瀉膀胱以和解之按傷寒發黃有在大腸膀胱者與陽明痰熱在胃者不同故仲景亦有不可下當于寒濕中求之說若瘀熱在裏亦有用麻黃連翹赤小豆湯發汗利水之劑者方見傷寒論

黃芩三黃瀉心湯

治心下痞熱心氣不足吐血衄血大黃用酒蒸晒

九次蜜丸名三黃丸治三焦積熱頭項腫痛目赤口瘡心膈煩躁大便

秘結小便赤澀及消渴羸瘦

消渴羸瘦出于火炎水乾或問心氣不足而吐衄何以不補心而反瀉心丹溪曰少

陰不足亢陽無輔致陰血妄行故用大黃瀉其亢害之火又心本不足肺肝各受火邪而病作故用黃芩救肺黃連瀉肝肺者陰之主肝者心之母血之舍也肺肝火退則血歸經而自安矣寇宗奭曰以苦泄其熱就以苦補其心蓋一舉而兩得之吳鶴臯曰治病必求其本陽毒上厥

出血則熱為本血為標能去其熱則血不治而自歸經矣李士材曰古  
人用大黃治虛勞吐血意甚深微蓋濁陰不降則清陽不化瘀血不去  
則新血不生也昂按此乃傷寒外感移熱而吐衄故用三黃寒瀉之劑  
若虛寒內傷吐衄而誤服此則殺人矣楊仁齋曰血遇熱則宜吐故止  
血多用涼藥然亦有氣虛挾寒營氣虛散血亦錯行所謂陽虛陰必走  
是已法當溫中使血自歸經宜理中湯加本香七氣湯加川芎或甘草  
乾薑湯

甚効

本方加石膏淡鼓麻黃名三黃石膏湯

別見表裏門

本方水丸名三

黃金花丸治中外諸熱寢汗咬牙夢語驚悸吐衄淋秘勞嗽骨蒸本方  
加大黃名梔子金花丸去梔子加大黃名大金花丸治畧同

傷寒痞滿

附子瀉心湯

仲景

治傷寒心下痞而復惡寒汗出者

傷寒心下滿鞭而痛者為結胸為實鞭滿

而不痛者為痞為虛經曰心下痞按之濡關脈浮者大黃黃連瀉心湯  
心下痞而復惡寒汗出者附子瀉心湯大抵諸痞皆熱故攻之多寒劑  
此加附子恐三黃重損其陽非補虛也或下後復汗或下後陽虛故惡  
寒汗出○諸瀉心湯皆治傷寒痞滿滿在心胸不在胃也若雖痞痞滿  
有寒熱虛實之不同保命集云脾不能行氣于四藏結而不散則為  
痞傷寒之痞從外之內故宜若泄雜病之痞從內之外故宜辛散

大黃黃連

黃芩

附子

一枝炮去皮破別煮取汁

此足太陽手少陰藥也其謂心不痞故用三黃以瀉痞惡寒汗出

故用附子以回陽非三黃不能去痞熱無附子恐三黃益損其陽寒熱

並用斯為有制之兵矣

喻嘉言曰此即熱既盛真陽復虛之症故十三黃湯內加附子汁共成傾瀉之功金匱有大黃

附子湯亦同此意大黃細辛各二兩附子一枚炮治脇下偏痛發熱脉

弦緊此寒也以溫藥下之陽中有陰當以溫藥下其寒後人罕識其指

○有用寒藥而治熱痞大黃黃連之類也有陰陽不和而痞用寒熱藥

者大黃黃連加附子之類也有陰盛陽虛而痞用辛熱多而寒藥少者

半夏生薑甘草瀉心之類也經又曰傷寒大下後復發汗心下痞惡寒

者表未解也當先解表乃可攻痞解表桂枝湯攻裏大黃黃連瀉心湯

經又曰本以下之故心下痞與瀉心湯痞不解口渴而煩躁小便不利

者五苓散主之此有傳飲故也○李東垣曰酒積雜病下之太過亦作

痞傷益下多亡陰陰者脾胃水穀之陰也胸中之氣因虛下陷于心之

分野故致心下痞宜升胃氣以而兼瀉之若全用氣藥導之則痞益甚

其治也按脾無瀉而心下不痞故須兼血藥

其治也按脾無瀉而心下不痞故須兼血藥

本方去附子名三黃瀉心湯

見再去黃芩名大黃黃連瀉心湯

仲景治傷

寒心下痞按之濡

音軟關上脉浮

沉為實熱浮為虛熱經曰按之自濡但氣痞耳周揚俊曰以非痰飲結聚故無

傷寒虛痞

半夏瀉心湯

仲景

治傷寒下之早胸滿而不痛者為痞身寒而嘔飲食不

取半夏生薑也活人云結胸與痞關脈須皆沉若開脈浮而結者三黃以瀉肝李時珍曰仲景治心氣不足吐衄血者用瀉心湯實瀉心包所脾胃四經血中之代火也又治心下痞滿按之軟者用瀉心湯亦瀉脾胃之濕熱非瀉心也病發于陰而反下之則痞滿乃寒陽營血邪結上焦胃之上皖在心故曰瀉心經曰太陰所至為痞滿又曰濁氣在上則生腹脹是已病發于陽而反下之則結胸乃邪熱陷入血分亦在上皖故大陷胸湯九皆用大黃亦瀉脾胃血分之邪而散其熱也若結胸在氣分只用小陷胸湯痞滿在氣分只用半夏瀉心湯按發陽發陰諸解不同終成疑案李氏則以寒傷為陰病熱陷為陽病然仲景所用皆寒藥未嘗有所分也周揚俊則謂纏屬下早致然似為近理

下非柴胡症

經曰傷寒五六日嘔血發熱柴胡症具而以他藥下之柴胡症仍在者復與柴胡湯此雖已下之不為逆必蒸蒸而

振却發熱汗出而解若心下滿而鞭痛者此為結胸也大陷胸湯主之若滿而不痛者此為痞柴胡不中與也宜半夏瀉心湯凡用瀉心者皆屬誤下之症非傳經熱邪也

半夏

升

黃連一黃芩

甘草

人參

乾薑

大棗

十二枚

此手少陰足太陰藥也成氏曰否而不泰為痞苦先入心瀉心者必以

苦故以黃連為君黃芩為臣以降陽而升陰也辛走氣散痞者必以辛故以半夏乾薑為佐以分陰而行陽也欲通上下交陰陽者必和其中

故以人參甘草大棗為使以補脾而和中

以解矣舊註云此方藥味蓋本聖中人參黃芩湯方王海藏曰外症全

是下症而脈反細不可下者瀉心湯主之脈有力者黃連瀉心湯脈無力者半夏瀉心湯喻嘉言曰諸瀉心湯原以滌飲此症因嘔故

推半夏為君程郊伯曰痞雖虛邪然表氣入裏拂鬱于心陽之分寒亦

成熱矣寒已成熱則不能外出而熱非實穢又不能下行唯用苦寒從

其部而瀉之仍慮下焦之陰邪上入兼辛熱以瀉之陰陽兩能不攻痞

而痞自散所以寒熱互用若陰痞不開陽鬱即鬱而未成熱祇是上下

陰陽部分拒格而成瀉心之法槩不可用也又曰人皆曰汗多亡陽不

知下多亦亡陽以亡陰中之陽故曰亡陰耳下焦之陽驟虛氣必上逆

則上焦之陽反因下而成實以火氣不下行故也治多瀉上補下心君

得苦寒而安則反能從陽引之入陰故仲連嗣子瀉亦成補

若汗下相因有虛無實溫補猶恐不足前法一無所用矣

本方除人參再加甘草一兩合名甘草瀉心湯仲治傷寒中風醫下

之下利穀不化腹中雷鳴心下痞鞭而滿乾嘔心煩醫復下之其痞益

生薑黃芩火  
六六半夏瀉心湯

茲此非結熱但以胃虛客氣上逆故使鞭也。為下後裏虛胃弱內損陰氣故加甘草以和中益胃

復其陰退虛熱大要痞滿下利者為虛便閉者為實按甘草甘令人滿故中滿症忌之而別錄甄權並云甘草能除滿以脾健運則滿除也觀

仲景用以消痞宜非取其散滿哉又按此乃傷寒之下利腸鳴也雜症腸鳴亦多屬脾胃虛經云脾胃虛則腸鳴腹滿又云中氣不足腸為之

若鳴宜參朮補劑加甘草又連枳實乾薑等丹溪又曰腹中水鳴乃大激動其水也宜二陳湯加苓連芩子李挺曰自利舊分陰症陽症又分

協熱協寒而治法相曰陽症下利亦必裏虛而表熱乘之雖太陽初症下利亦然與表邪傳裏協熱下利無異至于陰即協寒其症尤顯所以

云陽症下利誤溫則發黃出班而此等支離處尤當詳辨本方加生薑四兩名生薑瀉心湯仲景治

汗解後胃中不利心中痞鞭乾噫食臭完穀不化腸下有水氣腹中

雷鳴下利客氣上逆伏飲搏膈故痞鞭中氣不和故乾噫胃虛火盛邪熱不殺穀故完穀不化腸下有水氣土弱不能制水故腹中

雷鳴下利謂之協熱利為汗後胃虛外損陽氣故加生薑以散邪滌飲益胃復陽劉河間曰瀉而水穀變色者為熱不變色而澄徹清冷者為

寒苦肝門燥瀉小便黃赤水穀雖不變猶為熱也此由火性急速食下即出無容克化所謂邪熱不殺穀也本方除黃芩大

棗加枳實厚朴麥芽白朮茯苓蒸餅糊丸名枳實消痞丸東垣別見消導門

肺胃實熱

白虎湯

仲景

治傷寒脉浮滑者熱裏有寒

浮為在表滑為在裏裏寒及損傷寒即病熱之本因也

三陽合病脉浮大腹滿身重難以轉側口不仁而面垢譫語遺尿發汗

則譫語下之則頭上生汗手足逆冷自汗出者

腹滿身重口不仁譫語陽明症也而垢少陽症

也遺尿太陽症也三症之中陽明為多屬表裏有邪發表則燥熱益甚

故譫語攻裏則陰氣下竭而虛陽上脫必煩汗出而手足逆冷若自汗

出者三陽熱甚也與此湯以解內外之熱

通治陽明病脉洪大而長不惡寒反惡熱頭痛自

汗口渴舌胎目痛鼻乾不得臥心煩躁亂口哺潮熱或陽毒發斑胃熱

諸病

邪熱盛故脉洪大熱在表而淺邪惡正故惡寒熱入裏而深邪甚無畏故不惡寒反惡熱中風有汗傷寒無汗傳入陽明則有汗謂

之熱越故陽明病法多汗裏熱故在陽明主肌肉故肌熱脉交頰中

故目痛脉俠鼻金燥熱鼻乾胃不和故臥不安人之湯氣晝日行陽二

十五度平且屬少陽日中屬太陽日哺屬陽明傷寒

症中日哺潮熱為胃實無虛症胃熱天下則發斑

石膏知母六甘草一粳米合

先煮石膏數下沸

味淡再投藥米

熟湯成溫服

此足陽明手太陽藥也熱淫于內以苦發之故以知母苦寒為君熱則

傷氣必以甘寒為助故以石膏為臣

石膏滑石味皆甘寒凡  
禁帶止者皆瀉中有補

津液內燥

故以甘草粳米甘平益氣緩之為使不致傷胃也又煩出于肺躁出于

腎石膏清肺而瀉胃火知母清肺而瀉腎火甘草和中而瀉心脾之火

或瀉其子

肺

或瀉其母

心

不特治陽明氣分熱也

石膏甘草不但清裏  
兼能發表然必實熱

方可用或有血虛身熱脾虛發熱及陰盛格陽面赤煩躁類白虎湯症  
段投之不可救也按白虎症脈洪大有力類白虎症脈大而虛以此為  
辨又按陰盛格陽陽盛格陰二症至為難辨蓋陰盛極而格陽于外外  
熱而內寒陽盛極而格陰于外外冷而內熱經所謂重陰必陽重陽必  
陰重寒則熱重熱則寒是也當于小便分之便清者外雖燥熱而中必  
寒便赤者外雖厥冷而內實熱再看口中燥潤及舌胎淺深蓋舌為心  
苗應南方火邪在表則未生胎邪入裏津液耗結則生胎而滑胎白者  
丹曰有熱胸中有寒邪在半表半裏也熱入漸深則燥而澀熱聚于胃  
則黃宜承氣及白虎若熱病口乾舌黑乃腎水刑于心火熱益深而病  
篤矣然亦有胎黑屬寒者舌無苔刺口有津液也又當用溫補之劑尤  
宜細辨李東垣曰邪在陽明時受火剋故用辛寒以清肺所以有白虎  
之名自虎西方金神也吳鶴皋曰如秋金之令行則夏火之炎退成氏

曰立秋後不可服為大寒之劑易老曰有是病則投是藥苟拘于時何以措手若以白虎為大寒不氣又何以行于冬令乎太陽發熱無汗而渴忌白虎表未解也陽明汗多而渴忌五苓猪苓津液大耗也

本方加人參三兩名人參白虎湯仲景治傷寒渴欲飲水無表症者白虎解熱

人參主津凡身發熱為熱在表渴欲飲水為熱在裏身熱飲水表裏俱有熱身涼不渴表裏俱無熱欲飲水者不可不與不可過與恣飲則有水結胸心下悸喘咳噦噎腫脹癰秘下利諸變症亦治傷寒無大熱口燥渴心煩皆微惡寒者

背為陽背惡寒口中和者少陰病也宜附子湯今熱未退而微惡寒為表未全罷尚屬太陽然燥渴心煩為裏熱已熾與白虎湯解表邪清裏熱加人參補氣生津也太陽病在表故惡寒少陽在半表半裏亦微惡寒陽明在裏故不惡寒反惡熱間有惡寒者與太陽合病也許叔微曰仲景云傷寒吐下後七八日不解表裏俱熱大渴燥煩者曰虎加人參湯主之又云脈浮滑此表有熱裏有寒白虎加人參湯主之又云傷寒脈浮發熱無汗其表不解不可與白虎林億校正謂于此表裏差矣予謂不然大抵白虎能除傷寒中渴表裏發熱前後二症或云表裏俱熱或云表熱裏寒皆可服之一種發熱無汗其亦治太陽中喝音渴身熱表不解全是麻黃與葛根症安可行白虎也亦治火傷肺胃傳為膈汗山惡寒足冷脈微而渴身熱惡寒為在表足冷脈微又不可表亦治火傷肺胃傳為膈

白虎湯

清喻嘉言曰肺清以地黃丸治其血分需清本方加蒼朮名曰虎加蒼

木湯治濕溫脉沉細者沉細屬濕先受暑後受濕暑濕相搏名濕溫其

曰動而傷暑火熱傷氣辛若之人多得之宜人參白虎湯本方加桂枝

名桂枝白虎湯金匱治溫瘧但熱無寒骨節疼痛時嘔本方加柴胡黃芩

半夏名柴胡石膏湯治暑嗽惡渴本方除粳米加人參名化班湯治胃

熱發斑脉虛者

肺胃虛熱

竹葉石膏湯仲景

治傷寒解後虛羸少氣氣逆欲吐傷寒解後餘熱未盡

氣虛熱上逆故欲吐亦治傷暑發渴脉虛

竹葉石膏二斤人參三兩甘草二兩麥冬一斤半夏半斤粳米半升加薑煎

此手太陰足陽明藥也竹葉省膏之辛寒以散餘熱竹葉能止喘人參

甘草麥冬粳米之甘平以益肺安胃補虛生津半夏之辛溫以豁痰止

嘔故去熱而不損其真道遠而能益其氣也

又方竹葉石膏木通薄荷梗甘草亦名竹葉石膏湯治胃實火盛而

作渴

李士材曰陽明外實則用柴葛以解肌陽明內實則用承氣以攻下此云胃實非有停滯但陽酸勝耳火旺則全因故以竹葉湯入

以桔梗救金薄荷升火于土木通泄火于下甘草石膏直入戊土而清其中三焦火平則炎蒸退而津液生矣

外實經也內實府也戊土胃也

升陽散火湯

東垣

治肌熱表熱四肢發熱骨髓中熱熱如火燎捫之烙手

此病多因血虛得之及胃虛過食冷物抑遏陽氣于脾土並宜服此

脾主

四肢四肢熱即五心煩熱也火性上行若鬱而下達則反以銷燦真陰而肌膚筋骨皆為之熱也若飲食填塞至陰則清陽不得上行故不能傳化也經曰

火鬱發之

柴胡

八錢

防風

二錢五分

葛根

升麻

羌活

獨活

人參

白芍

五錢炙甘草

草

生甘草三錢

每服五錢加薑棗煎

此手足少陽藥也柴胡以發少陽之火為君升葛以發陽明之火羌防

降讀湯也

以發太陽之火獨活以發少陰之火為臣此皆味薄氣輕上行之藥所以升舉其陽使三焦暢遂而火邪皆散矣人參甘草益脾土而瀉熱

藥瀉脾火而斂陰且酸斂甘緩散中有收不致有損陰氣為佐使也

吳鶴

臯曰經口少火生氣大非此火不能生物人非此火不能有生陽之則光過之則滅今為飲食抑遏則生道幾乎息矣使清陽出上竅則濁陰自歸下竅而飲食傳化無抑遏之患矣東垣聖于脾胃治之必主升陽俗醫知降而不知升是藥其少火也安望其衛生耶又曰古人用辛散者必用酸收故桂枝湯中亦用芍藥猶兵家之節制也

本方除人參獨活加葱白名火鬱湯治同

火鬱者為熱外寒脈沉而數火鬱無發故外寒沉為在裏

沉而數知為內熱也

陶節菴升陽散火湯人參白朮茯神甘草陳皮麥冬當歸芍藥柴胡黃

芩如真棗金器煎治傷寒又手胃心尋衣摸床譫語昏沉不省人事

節菴

口俗醫下識誤認風症不知此乃肝熱乘肺元氣虛衰不能主持名撮空症小便利者可治有痰加薑炒半夏大便秘實語謬發渴加大黃泔

瀉加白朮升麻太陽虛故又手目胃其心熱昏其神故尋衣摸床小便  
利則肺氣猶降膀胱猶能化氣而腎水未枯故可治昂按此症非升散  
之症方中僅柴胡一味難盡升  
散之名而節替以此名方何處

凉膈散局 治心火上盛中焦燄實煩躁口渴目赤頭眩口瘡唇裂吐血

衄血大小便秘諸風癰瘰胃熱發斑發狂及小兒驚急痘瘡黑陷

中二焦之火  
為之患也

連翹酒浸大黃酒浸芒硝 甘草二兩梔子炒黃芩酒炒薄荷一兩 為末每服三

錢加竹葉生蜜煎

此上中二焦瀉火藥也熱淫于內治以鹹寒佐以苦甘故以連翹黃芩

竹葉薄荷升散于上而以大黃芒硝之猛利推蕩其中使土升下行而

膈自清矣用甘草生蜜者病在膈甘以緩之也

李東垣曰易老法減大黃芒硝加桔梗竹葉治胸膈六經之熱以手足少陽俱下胸膈同相火游行一身之表乃至

桔梗為藥中舟楫

肝胆火

輕者用此方喻嘉言曰按中風症大勢風木合君相二火主病古方用涼膈散居多如轉舌膏用涼膈散加菖蒲遠志活命金丹用涼膈散加青黛藍根益風火上炎胸膈正燎原之地所以清心寧神轉舌活命涼膈之功居多不可以宣通腸胃輕訾之也按轉舌膏散心經之蘊熱活命丹散肝經之鬱火也潘思敬曰仲景調胃承氣湯後人一寒加連翹梔子黃芩薄荷謂之涼膈散至河間又寒加川芎歸芍白朮防風荆芥麻黃桔梗石膏滑石謂之防風通聖散古之複方也

當歸龍薈丸

宜明

治一切肝胆之火神志不寧驚悸搐搦躁擾狂越頭運

目眩耳鳴耳聾胸膈痞塞咽噎不利腸胃燥澀兩脇痛引少腹肝移熱

于肺面咳嗽

肝屬風木主筋主怒主驚故搐搦驚狂皆屬肝火口為肝竅肝脈絡于耳二經火盛故目眩耳聾心脈俠咽歷膈腎

肺其肺循喉嚨水寒火盛故膈咽不利兩脇少腹皆肝胆經所循故相引而痛五藏六府皆有欬然必傳以與肺肝之移邪則為肝欬

治盜汗

盜汗屬熱此與當歸大黃湯同意

當歸酒洗

龍胆草酒洗

梔子炒

黃連炒

黃柏炒

黃芩炒

大黃酒浸

青黛水飛

蘆

薈五錢

木香二錢

麝香五分

蜜丸薑湯下